

中國近代史資料叢刊

軍 拾

II

中國史學會主編
神州國光社出版

中國近代史資料叢刊

軍 紀

一

中國社會科學出版社
北京國史館代印

中國史學會主編

中國近代史資料叢刊

第三種

軍 閥

2

編 者

范文瀾 翦伯贊

聶崇岐 林樹惠 王其渠

神州國光社

中國近代史資料叢刊
第三種：捻 軍
(全書六冊)

主編	總編輯	編者	出版者
中國史學會	徐特立 范文瀾 翦伯贊	陳垣 鄭振鐸 向達 胡繩 呂振羽 華崗 邵循正 白壽彝 范文瀾 翦伯贊 聶崇岐 林樹惠 王其桀	神州國光社 上海福州路三八四弄四號 代表人 俞 巴 林

一九五三年三月初版 印數 1—5000
25 開本 正文 2866 面 封面 4×2×15
出版頁 2056 面 定價每部 洋 135.000 元

捻軍資料叢刊第二冊目錄

第二部分 活動地區(一)

安徽

安徽通志

蒙城縣志書

渦陽縣志

亳州志

潁上縣志

宿州志

鳳臺縣志

五河縣志

續修廣饒縣志

霍山縣志

續修舒城縣志

太湖縣志

河南(上)

豫軍紀略

尹耕雲等

一七

河南軍情探報

汪廣才

四七

安徽

重修安徽通志（節錄卷一〇二至一〇八武備志）

文宗顯皇帝咸豐元年，廬州、鳳陽、潁州等府捻匪結黨橫行，巡撫王植捕治未竟，受代去。山西道御史鮑繼培以爲言，下督撫搜捕。九月，巡撫蔣文慶奏獲捻首高四八、趙桂亭、楊思華等十四人，並請留道員王彥和辦捕務。（卷一〇二、葉九）

二年冬，蕭縣逸捻馮金標、張鳳山等竄蒙城，聚黨千人，號十八鋪，擁亳捻張落刑爲首。明年春，潁州知府毛含煜捕之急，馮金標、張落刑等先後詣宿州周天爵營投誠。（同上葉十）

三年，時宿州、懷遠、蒙城、亳州、靈璧等處捻匪嘯聚，周天爵飭兵勇分捕，先後斬獲牛汶禮等五百餘人，北路肅清，親督義勇往南路追剿。三月丙午，率游擊劉玉豹、壽州知州金光飭焚定遠左家店捻巢。乙酉，擒捻首陸雙齡、陸繼恩等，進剿壽州甘羅廟。癸丑，擒捻首陸遐齡及其子陸聚奎、陸連元，並其黨李邦治等十二人，斬千餘級，奪械無算。（同上葉十一）

己巳，李嘉端抵廬州，壽春鎮總兵玉山進兵潁，毫剿捻匪。刑部主事朱麟祺駐兵盱眙，斬巨捻楊倫。（同上）

合肥梁園西北有謝家大戶招納亡命，聯絡十餘村莊，以謝四老虎爲首，周天爵派兵捕之。又有巨捻陳學曾、紀黑壯等嘯聚潁州之王市集，官軍節次被挫，周天爵率編修李鴻章督團堵剿。（同上）

四月癸亥，捻匪龔得、穆坎掠太和境，民團遂敗之於雙浮屠。（同上卷十二）

七月，周天爵移軍潁，毫，飭員外郎孫家泰協剿，捻首蔣柱、梁朱、劉飛熊俱伏誅。又飭宿州知州張清元剿河南永城，擒捻首胡萬箱、孟傳太、方汝潮。署亳州知州熊英擒斬捻首陳申、王三鐵叉等。張清元回軍亳州，會同參將錢朝舉陣斬捻首楊廣義，進剿雒河，大破之，斬捻首馬老沈、馬器。（同上卷十三）

十月，上命袁甲三由潁州移軍桐城。甲三疏言，捻逆張茂踞懷、蒙間，稱僞西懷王，窺廬州，應先剿辦。上允之。先是，周天爵奏，蒙、亳匪衆合五十八捻爲一，有四大天王諸名目。未及剿而天爵卒。賊擾孫村店，袁甲三抵王市集，急集勇團，扼要隘，遣游擊朱連泰擊賊高公廟，大破之，得旨嘉獎，加三品卿銜，署布政使。甲三言：署職恐誤剿匪，尋命卽以三品卿銜兵科給事中剿辦安徽捻匪。甲三飭知府張清元、知州熊英兜剿阜、毫五十八捻，擒捻首姚旋兒、李致汝、穆坎、王長青、宮沅等，餘匪逃雒河。俄而捻首鄧大俊由雒河擾及標里鋪，甲三分兵襲之，擒其渠，鄉民先後縛賊二千餘以獻。甲三又飭縣丞徐曉峯、知縣徐毓寶、守備戴世熙，舉人臧紆青在雒河集、臨湖鋪、馬家柳林等處剿捕，斬馘無算，擒首孫重倫、馬在隴、宮步雲、馬九、馬虎、陳建中皆伏誅。及是，張茂撲懷遠縣城甚急。甲三遣游擊錢朝舉等馳往，與知縣朱鎮會剿，一戰破之，張茂受傷逃。十一月，甲三遣徐曉峯會同蒙城知縣劉瀛階擒獲捻首劉洪立、武大僧、磔之。武大僧者，周天爵疏稱四大天王之一也。其馬和尚、陸瀛、江邦位三大天王，甲三前在西路時捕得正法，武大僧逃去，至是伏誅。甲三又派參將朱連泰等剿亳州。

義門集擒巢，擒斬擒首葛豹、馬長德等。旋以粵逆撲廬州，甲三馳赴宿州拒賊北竄。（同上葉十五）

四年正月，擒匪竄太和，團練擊之於三漲口，文生姜培等陣亡。（同上葉十八）

甲子，六安踞賊分竄正陽關，壽州知州金光筭擊敗之。賊續至，勇潰，退守壽州。賊遂寇潁州府，團練擊走沙河。丁卯，潁上陷，旋由新河口北竄。（同上）

新河口北竄之賊，游弋蒙、亳、壬申、丙子、庚辰，蒙城屢陷，南擾雉河。袁甲三擣蒙城，賊走河南永城。甲三追賊及於江蘇蕭縣，賊前股已由豐工下游渡河北竄山東臨清，後股未能渡黃之賊折而南竄。甲三引軍還宿州，防南路。三月庚子朔，賊竄至潁上，甲三敗之於潁州，又敗之於正陽關，餘賊掠舟遞回六安，盡返廬州。甲三遂回軍剿蒙、亳擒匪。（同上葉十九）

時擒匪張捷三等糾合粵匪，以義門集爲總巢，分踞雉河集、臨湖鋪，勢張甚。乙巳，袁甲三督軍擣臨湖，賊潰。丁未，進逼雉河。戊申，敗賊於馬家樓，復迫之於渦河，遂破義門集，僞都督道人王德懇、僞太保宋添寶、僞將軍孫禿孜、僞總兵夏推、尹球、尹齡、劉淵等俱伏誅，僞太平順王張捷三中礮斃。（同上）

鳳臺擒匪竄擾懷遠，袁甲三派游擊李成虎等馳剿，斬擒首張詳、陳鳳翔、李導聲及餘匪百餘。

癸丑，知州金光筭參將劉玉豹、團練郎中李文安會攻戴家集擒巢，擒擒首汪履祥、李六禿孜，斬之，武舉劉開甲、武生翟雲登殺賊陣亡。（同上葉二十）

霍邱擒匪陳玉嘯聚河口集，署知縣徐毓寶往捕被戕。（同上）

四月，擒匪薛小由河南固始糾衆掠霍邱三河尖。（同上）

五月，時淮南捻匪三大股：東股朱家灣，南股小店集，以西股余家灣爲巢穴。先是，夏間，袁甲三派剿余家灣不克，擒別股匪于和等十六人，焚匪巢十餘處。夏杪，進兵鐵鑪橋，東西兩路俱有斬擒，獲捻首李連貴、陸與廷等。及是，復分兵進剿，先斃援賊史學江等，旋逼匪巢，礮碎火焚，賊死甚衆，擒逆首李占青等四十餘人，匪潰走，復追殲之。（同上葉二十一）

十月，當是時，皖省軍情日迫，永、亳一路難兼顧。袁甲三奏請河南撥兵會剿。時河南永城民怨亳州民日甚，每以搜捕匪首蘇添幅爲名，互相殺掠。上謂此等凶悍之徒，擾害良善，豈得以民人自相仇殺置之不問！周天爵招撫之張落刑，以保守雒河集爲名，實則狼子野心，難保其不暗結土匪。命河南巡撫英桂，令帶兵文武相機剿捕。時蒙、亳捻匪已由豫回皖，袁甲三飭張落刑捕蘇添幅以表心跡，而密飭弁兵誘擒落刑，未獲。遣張家駒、朱連泰進軍蒙城，敗蘇添幅於寺覺集，分路捕獲捻首李秉倉等八十餘人，馬老虎、石洪等四十餘人，又獲亳境大捻首丁士彥、張巨善、劉根等，俱伏誅。（同上葉二十四）

五年二月甲辰，捻匪竄渦河北岸，千總齊東與陣亡，衆潰。（卷一〇三葉一）

三月，蒙、亳擒匪張落刑

即張樂行，叛後書爲『落刑』。

蘇添幅出沒皖、豫之交。河南道員張維翰扼守宋防，與

潁州知府陸希湜、亳州知州繡綸、候補知府張家駒、參將全喜等率師赴亳擊賊泥臺店，獲勝。賊未受大創，四出如故。時駐防臨淮左都御史袁甲三罷召回京，自離任後，捻匪大肆蹂躪。（同上葉二）

七月丙寅，張落刑犯蒙城，武舉黃廷萬等死之。（同上葉三）

辛巳，知府陸希湜在廟集擊退捻匪張落刑，獲得之衆，陣獲僞將軍蘇有。（同上）

八月張落刑等復踞雒河，四出滋擾，攻撲城池，蒙城、阜陽、潁上、宿毫、鳳陽，懷遠告急，福濟飭駐守臨淮之按察使恩錫等移軍往援。丁未，河南道員張維翰在泥臺店接戰失利，達凌阿陣亡。己未夜，擒匪入商邱之馬牧集，朱連泰等截擊不利。河南巡撫英桂遣防守陳州之湖南道王建泰、游擊巴哈布、按察使余炳燾、參將成齡先後往援，江南河督楊以增、巡撫福濟均派兵扼剿，擒匪遂南竄。福濟和春疏陳三省剿匪必遣大員帶兵，河南學政張之萬亦以爲言。上命湖南提督武隆額由山東赴亳州，富明阿所派待衛容照、楊以增所派總兵興慶、和春所派游擊武全、英桂所派張維翰等，總聽武隆額節制。（同上葉四）

九月，張落刑踞蒙城，隳其城垣爲邱墟，擾亳州北鄉。己巳，圍州城，越九日乃解。其黨蘇添幅、葛倉龍等由雒河竄擾潁上沙河北岸。（同上）

十月丁未，張落刑圍亳州，知州博銘城守凡十有三晝夜，豫軍救之。按察使余炳燾用圍魏救趙計，先剿雒河集捻巢。張落刑在亳聞之，還救雒河，亳圍遂解。余炳燾、祝壇、瑚圖凌額三路赴亳，擒匪復由亳沿河迤南折向東北，徐州兵勇禦之，麻種集失利。匪竄永城、夏邑，犯歸德，武隆額略無布置，上命英桂赴歸德督辦三省剿匪事宜，以前福建按察使徐宗幹副之。張落刑、蘇添幅等經柘城圍練追擊，聲所掠遯回雒河。（同上葉五）

壬戌，降勇李兆受踞英山以叛，前徽寧池太廣道何桂珍、英山知縣蘇秀槐、署桐城知縣縣丞任春和、代理太湖知縣從九品婁業仕、把總高長發、勇目賈開龍俱死之。初，兆受在霍邱，固始之交與薛小聚衆首亂。上年四月，薛小肆擾三河尖，經圍練擊散。兆受、薛小竄商城王家院牆，副將春明并備弁兵勇皆被戕，踞卜家店。布政使鄭敦謹派兵往剿，斬捻目周魁等。兆受竄皖，豫交界之青峯嶺，復闖入商城，固始、句結粵匪，以六月癸

未聞商城，爲商、固團練及軍功張曜所敗，走霍山。何桂珍時在霍山，十月丁酉率鄉兵大破之於城東，追擊至麻埠。丙寅，至流波噓，徽商固團練堵其北，金家砦團練禦其東，桂珍率所部退其西。兆受大懼，與馬超江等投誠，散脅從萬計。桂珍收爲勇目，其所部曰豫勇。十一月，何桂珍剿太湖，豫勇敗退英山。本年四月，遣兆受剿蕪水，敗於洗馬嘅，還英山。尋率所部回籍，沿途蹂躪，福濟飭捕之。薛小掠王家集，牛鑑剿敗之。兆受、薛小築圩於寨集蓮花山。九月，自牛皮噓走霍邱攢板冲，練勇敗之。張曜越境剿急，兆受走麻埠。河南在籍防剿前江寧布政使王庭蘭與張曜進兵廟灣，擒其黨宋之貴斬之，進攻麻埠，追殺至流波噓，斬李兆慶等，焚山寨。兆受、薛小遜英山。十月初旬，至同里馬家嘅，苦求投効，何桂珍仍留之，令守城。會福濟令桂珍急殲除之，爲所覺，桂珍等遇害，遂擁衆叛，豎旗踞守。和春等遣參將塔思哈、都司俞應彪守備阿克敦馳剿。己巳，會英山知縣劉兆彭、湖北羅田知縣彭惠疇各率民團復英山縣城，兆受竄薪水。（同上葉六）

戊寅，張落刑等由河南竄至宿州濉溪，臨渙二集焚掠，偃城垣，福濟遣塔思哈由英山移剿。（同上葉七）

十二月庚寅朔，毫擒襲得竄太和，練總楊廷璣、亳州武舉魏有貴等戰歿。（同上）

丁未，擒匪大掠蒙城，知縣俞澍禦之，團練潰。（同上）

六年正月，擒黨分領五色旗，妄推張落刑爲盟主，領黃旗，張總愚領鑲黃。（同上）

己巳，阜陽練總朱復善、袁鏐禦擒於河口，衆潰，均死之。是日，張落刑、夏白、任瀚圍宿州，侍衛容照督兵嚴守。塔思哈等連日戰勝，擒擒首孫開貞。徐州總兵傅振邦往援，乙亥、丙子，敗賊於夾溝、符離。丁丑，城內外官軍夾擊，城圍立解。己卯，總兵鄭魁士、侍衛伊興額、協領德昌馳至會剿，南屏集擒巢，癸未破之，斃擒首任仲勉。

(同上)

時辜擒以壬申日竄淝河，甲戌撲太和縣城，團練援剿，戰於三塔集，追至梁家湖，練潰，文生賈玉等死之。丙子，賊由元牆集宵遁。(同上)

丁亥，擒首尹韜竄阜陽，三里灣，知府陸希湜擊退。戊子晦，張落刑偪下蔡，脅西北諸村鎮領旗。(同上葉八)

二月甲午，擒匪葛蒼龍等掠潁上之江劉集，把總李步階、教諭黃坤元死之。(同上)

乙巳，擒匪耿小金等擾懷遠，和春飭鄭魁士率參將喜瀛、塔思哈擊於許田寺、茅塘集，連破之，追至素木橋，又破之。擒匪復由豫境調回劉餓狼等四十餘股，由蒙城併力來撲。鄭魁士馳抵河溜集，設伏汪家鋪，錢家湖，斬馘過當，追至鈕家橋，生擒擒首褚澱等四十一匪，餘渡河竄。和春遂分兵進剿宿州匪黨及湖墅踞匪，連敗之，遂克湖墅。時李大濬、黃瀾、夏白、任瀚掠宿州，丁未、壬子，侍衛伊興額戰於雙溝、蘆溝等集，丙辰又戰於孫疇，與協領德昌夾擊，追至蒙城境之潭城，皆大捷。張落刑遣李益元掠薛家湖，會合保安山賊俞得和，以癸丑日犯瓦子岡，亦爲傅振邦所敗。(同上)

三月戊辰，擒匪偈懷遠，撲城西鄭魁士等營，參將福珪、游擊柏雲章、都司冉廣興、守備朱介福血戰死，鄭魁士陷陣，徧體重傷，墜馬救免。蒙城知縣俞澍在城西荆山之西，徐曉峯在荆山南，先後援剿，賊衆敗退，庚辰，向蒙城竄去。尋諭英桂赴皖，豫界擣擒匪老巢，前副都御史袁甲三先奉命隨同英桂進剿，及是以歸德防剿交甲三籌辦云。(同上葉九)

丙戌晦，擒匪襲得王貫三屯亳州之五馬溝，爲豫軍總兵邱聯恩等所敗，斬擒首張拴、張裕隆。(同上)

四月己丑，捻匪倪小衝、孜踞霍邱之朱家灣，皖、豫兩軍擊退之。於是壽州、鳳臺同時被擾。龔得分黨踞潁上十八里鋪，窺潁州。丁酉，祝國安焚掠潁上之韓擺渡，戊戌撲縣城。知府陸希湜、知縣程鈺先後斃，賊二千餘侍衛多慧遣參將蔡昌言馳援，先後擊卻之。和春、福濟亦遣珠克登、郝光甲自懷遠援潁，亳、會、豫軍剿雉河。

（同上卷十一）

先是，捻首夏白句結張落刑圍宿州，擾懷遠，及瓦子口受大創。是月，在任家集嘯聚圖報復。壬寅，署宿州游擊恩臨、知州才宇和授練總朱庭芳計，擒夏白斬之。（同上）

袁甲三之隨剿捻匪也，至軍，即合總兵邱聯恩、史榮椿等擊賊。是月甲午，戰於亳五馬溝，丙申，戰界溝，甲辰，戰小柰集，三戰皆捷。會甲三之子編修袁保恆集舊部三千人至軍。甲寅，甲三與總兵邱聯恩、崇安等會師抵亳州城下，朱連泰與知州博銘出城夾擊，大破捻匪，遂解亳州之圍。賊走翟村寺，糾死黨踞之。（同上）

苗沛霖自壽州歸武家集，築砦團練，稱禦捻匪。

五月辛酉，捻黨自翟村寺犯五馬溝，朱連泰戰卻之。壬戌，袁甲三率其子保恆與邱聯恩、崇安等分道進攻，戰於翟村寺，大敗之，斬僞平西侯李士成等。張落刑由蒙城糾龔得、王貫三黨來援，據白龍廟，跨渦而壘。乙丑，甲三、聯恩、崇安、保恆、前察哈爾都統西凌阿進剿，戰於白龍廟，殺賊數千，平其砦。辛未，攻葉家小樓，衝賊陣中堅，賊大潰。師宵進，破趙旗屯、穆家砦、沙土集。癸酉，抵雉河。賊憑壘據橋，官軍力攻破之，橋下尸相屬也。遂克雉河，窮追四十餘里，擒斬田士得等，李越、韓廣、張海、姚長春、李汶明諸悍賊，僞將軍劉鼐均斃於陣，礮傷張落刑，蘇添幅俱僅身免。掇入，旨嘉獎，袁甲三以三品京堂候補。（同上）

維時伊興額、傅振邦援宿州之師掃滅鐵佛寺擒股，癸酉，攻煨柳集擒巢，夜擣臨渙集破之，擒擒首紀學中、珠克登、郝光甲援潁亳之師，戊午，進龍亢集，次褚家湖，爲界溝、雙澗、擒匪所截，己未，戰不利，僅有署蒙城知縣俞澍來援，戰經三時，賊始退。時自褚家湖距蒙城七十五里，擒衆三十八股，官軍駐龍亢不得進。辛未，始由界溝進攻耿家湖擒巢，擒耿小金、耿湖亮，署鳳臺知縣李霖亦於是日擊敗耿萬金，擒曹萬有，又敗葛倉隴於顧家橋，斬之，并斬葛雙孜、葛小波、王放、王城、程錫章等，蘇玉田降。（同上）

蔡昌言、徐曉峯潁上之師以癸亥敗擒匪於沙河，擒龍如陳、顧廷輔。乙丑，會同程鈺等敗之於新河口、龍王塘，追至夏家橋。丁卯，又敗之於龍擺渡。戊辰，擊敗撲城之賊。己巳，復大敗之，擒擒首樊榮湖、趙連倉、龍雲山，遂解城圍。（同上）

其太和擒股自庚午至丙子，疊經知縣侯樞臣率團擊敗，擒匪首王大軒、莊名山、莊虎、魏常、魏允。（同上）張落刑自雒河敗遯，率賊數百至蒙城郭家集，沿途裹脅，欲竄潁州。己卯，蒙城知縣俞澍敗諸展溝西岸，奔江口新集，渡沙河，犯潁上之廟臺集，垂岡集，直撲縣城。侍衛多慧擊退，仍在潤河集窺伺。（同上葉十二）

六月丙戌朔，蔡昌言剿潤河集，殺擒匪百餘。丁亥，郝光甲至潁。庚寅、辛卯，連戰皆勝。壬申，傅振邦、伊興額至潁，甲午，會師進剿獲勝。河南巡撫英桂來駐亳州，袁甲三由臺赴潁督剿，副將樂善、參將成齡、佐領松志、編修袁保恆諸軍並集潁上。賊欲趨正陽關，爲侍衛多慧擊退，折而西。袁甲三飭諸將西追，敗賊於曹家集，又敗諸南照集、黃岡集。賊由南照、潤河一帶撲入霍邱縣境，土匪李三謨等應之。庚子，竄三河尖，王庭蘭援剿不利。丁丑，三河尖失陷。乙巳，袁甲三督伊興額、袁保恆、郝光甲、傅振邦、張學醇、徐曉峯、馬步分哨接戰，互有殺傷，遂

駐師曹家集。賊舟駛正陽關，多慧塔恩哈跨河爲營，杙鐵鋪水底。癸丑，賊舟至汪集不得進，與南照集賊舟俱西駛登岸。樂善遇之，潁州二十里鋪酣戰陷伏，士默特佐領奇密特多爾濟、驍騎校音登額歿於陣，賊遂踞曹家集。袁甲三等進攻之，賊宵遁。（同上）

七月壬戌，巨捻張落刑撲潁州府城，步隊出戰，斬捻首張惠。癸亥，賊大至，焚東北門，都司朱淮源、祿泰、千總楊德戰死。袁甲三派隊出援，敗賊於大橋口。甲子，攻城賊目中斃死，餘賊走四十里鋪。伊興額率騎兵來援，道遇賊，營總勒布佐領訥勒布、領催珠勒剛阿、豐林、披甲占祿、依順、德壽俱戰歿。賊渡沙河，分撲蒙、宿、蒙城。知縣俞澍築城甫竣，壬申賊至，連日環攻，澍城守三晝夜，督團擊走之。乙亥，回竄于家集，爲援兵塔恩哈擊退。郝光甲別在江口集擊敗渡河捻股，擒捻首王瀾林，賊遂分道趨雉河。守將西淩阿退營寺集，賊踞雉河。丁丑，宵劫宿州臨渙防營，守將興慶、明山戰不利，退蕭縣瓦子口，披甲武淩雲、多隆武戰死，賊踞臨渙。於是靈璧、鳳陽戒嚴，懷遠、壽州、宿州、阜陽、太和、潁上、霍邱、亳州徧地捻踪。霍邱捻衆爲知縣王啓秀所敗，斬捻首鄭三黑、王小金孜。袁甲三、邱聯恩、史榮椿馳至亳州，格綳額騎兵出剿，敗賊渦河口。壬午，袁保恆、邱聯恩、朱連泰敗賊清水河，又敗賊趙王河。癸未復戰，互有殺傷，通判倉景涵陣亡。（同上卷十三）

八月，捻匪以是月己丑由渦河北岸圍崇安營，我軍小挫。壬辰，復至，袁甲三遣兵練敗之。乙未，又敗諸太清宮、丙申，又敗諸十八里鋪，殲賊王貫三，餘賊退守雉河。其由臨渙回竄蒙城者，乙未，鄭魁士敗諸雙澗。其擾宿州之西二十里堡者，爲捻首任範、李大濱。丁未，官軍、民團擊潰，斬賊目段玉邱。其擾渦河南北岸者，己酉，豫軍崇安、格綳額、德楞額敗張落刑於耿皇寺。辛亥，邱聯恩薄襲得於趙旗屯，崇安又戰張落刑於劉乃廟，追殺

至潘家樓。壬子，張逆趨龍山據之。癸丑，龔得復由趙屯北渡，我軍擊卻之。（同上卷十四）

九月辛酉，擒匪宋懷用等，撲懷遠，總兵珠克登、郝光甲、副將塔思哈迭擊之，焚渦河賊筏。戊辰，敗賊沙溝，城圍立解。擒匪夏紅犯宿州，已已，濰溪口失陷。（同上卷十五）

十月，擒匪孟繼輝踞宿州叮噠集。知州才汝和遣武舉孟貫三入賊巢，刺殺繼輝，參將富昌擊敗援賊。（同上卷十七）

乙巳，擒匪龔得駛至太和，由東鄉進撲縣城，不得逞，攻破舊縣集，練總劉仲華戰死。先是，英桂移師亳州，以庚寅發陳州，辛卯次鹿邑。聞張落刑遣龔得由張斌營西竄，咨袁甲三令總兵崇安繞道截擊。英桂旋抵亳，以穆騰阿、托津阿將千人，偕格綳額、德楞額及崇安東發。癸卯，殲姬家橋伏賊。甲辰，平三丈口賊壘。乙巳，渡河南追，丙午破賊舊縣。是日，賊正撲太和縣城，崇安援師至，則大敗之，又連敗諸楚店集、龍環城，賊遁。（同上）

癸卯晦，崇安、朱連泰攻花溝集，工記寺擒巢平其壘，察哈爾驍騎校拉什旺丹把總馬騰蛟陣亡。（同上）

十一月甲寅朔，豫軍穆騰阿、崇安、朱連泰平雒河擒巢乙卯，追賊西陽集，丙辰，追賊曹市集，及於臨渙會河橋。張落刑憑河拒守，龔得宵犯我軍營壘，戰至翼日，將午，士馬不得食，回軍雒河。賊連來犯，游擊德祿、佐領松志歿於陣，穆騰阿墜馬傷臂。朱連泰要擊之，殲賊數百，賊退踞廟集。庚申，命福建提督秦定三馳往蒙、亳，會同英桂督剿擒匪。甲子，以福濟奏，復命壽春鎮總兵鄭魁士會同英桂剿辦擒匪，三省會剿官兵均歸節制。秦定三留於桐城，會同福濟督辦南路剿匪事務。乙丑，命勝保往安徽軍營，交福濟差遣委用。（同上）

時鄭魁士攻桐城烏石岡賊壘，守備劉精一陣亡。賊旋來襲，副將蕭同福游擊葛茂永陣亡。（同上）

擒匪圍蒙城，爲知縣俞澍、參將尹善廷、練總劉蘭馨等擊敗，擒擒首傅洪山、黃瀧。辛未，龔得復率衆圍撲五晝夜，練總徐立壯力卻之。（同上）

十二月，豫軍亦以乙酉破擒匪於廟集，張落刑、龔得分竄毫境東南尹家溝，東北趙旂屯，進攻之，皆獲勝。（同上葉十八）

廬鳳道金光筭既擊退王莊巨擒，又迭敗之於新橋、連城、固鎮，斬擒首謝泳年、喬茂柏等三十五人。（同上）

丙申，蒙、亳擒匪擾靈璧，廬鳳道金光筭擊走之。（同上葉十九）

豫軍托津阿等敗擒匪於亳州洪家廟，山永協副將珠隆阿爲礮所中，陣斬巨擒龔義而後絕，外委高振標亦陣亡，著名擒首雷燕、李復亮、楊愚旺、魯珍、龐敬皆斃於陣，時甲辰日也。癸丑晦，又敗賊於王家店，擒斬擒首黃得等。（同上）

七年正月甲寅朔，豫軍敗擒匪於王家店，擒白豹，斬之。是日，擒匪撲蒙城，知縣俞澍、參將尹善廷先後出擊，擒徐喇孜、戴奉潮、馬小黑。己未，城圍解。（同上）

豫軍攻趙旂屯，己未，擒擒首李振山，擒潰。庚申，追剿尹家溝，擒擒首張瀾等。（同上）

壬戌，皖軍擊擒匪任澆等於懷遠，敗諸平莪山。癸亥，又敗黃河、渦河南岸來撲之賊。乙丑，張落刑撲懷遠縣城，總兵珠克登、知縣鄒筍禦之。戊辰，戰上下橋，擒擒首單新陂。庚午，戰古西門，斃賊千六百餘名。甲戌夜，破柳溝，陣斬巨擒趙廷和，擒斬擒首孫萬明等。張、龔二逆合併南趨。時擒匪單老鸞、劉小賽撲定遠，知縣沈鏌擊